

本草匯




十四  
菜部

二  
穀部


菜部

八

共十







本草匯卷十三目次



国立国会図書館 タイトル『本草匯卷1-8, 11-18』 請求記号 特7-493

ガラス使用



特7-493



本草匯卷十三目次

穀部

胡麻 卽巨勝 百八

麻仁 百九

麥粉 百九

薏苡仁 百九

赤小豆 百九

白扁豆 百九

神麴 二百

麻油 百八

浮麥 百九 附麩皮

糯米 百九 附米泔

黑豆 百九

菜豆 百九 附護心散

淡豆豉 百九

穀芽 二百



本草匯

卷十三目次

一 海花典

20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51



麥芽 二百

苦酒 卽米醋 二百四

飴糖 二百

酒 二百五 燒酒附

菜部

韭 二百六

韭子 二百七

葱莖白 二百八

大蒜 二百九

白芥子 二百十

萊菔根 二百十一

萊菔子 二百十二

乾薑 二百十三


生薑 二百十四

胡荽 二百十五

茴香 二百十六

薯蕷 卽山藥 二百十七

百合 二百十八





本草匯卷十三

吳門郊西郭佩蘭章宜纂輯

男 樹晦芬墀

姪 維均梅在 參閱

紫藤陳陸坤白筆校訂

穀部


胡麻 即巨勝 百八八 味甘氣平入足太陰厥陰少陰經養血

潤腸燥結焦煩誠易退補中益氣風淫癱瘓豈難除

堅筋骨明耳目輕身不老長肌肉填髓腦辟穀延年

胡麻五末

本草匯 卷十三 穀部 胡麻





按胡麻。卽今之脂麻也。產于胡地。故名。得稼穡之  
 甘。不寒不熱。益脾胃。補肝腎之佳穀也。弘景云。八穀  
 之中。惟此爲良。仙經載其功能。神農收爲上品。李廷  
 飛云。風病人久服。步履端正。語言不蹇。補陰是其本  
 職。其去風者。所謂治風先治血。血行風自滅也。仙家  
 以白蜜合服。名靜神丸。治一切痼疾。患人虛虛而吸  
 吸者。加而用之。但多服。令人滑腸。得白朮並行爲勝。  
 孫真人用胡麻三升。蒸三十遍。炒香。同蜜爲末。每服  
 五十九丸。明目洞視最妙。初生小兒。嚼生脂麻。綿包與

啞之。胎毒自下矣。有黑白赤三種。取黑者。九蒸九  
 晒。水淘去浮者。以酒拌蒸。晒乾炒用。栗色者。名鼈蝨  
 胡麻。比黑者更佳。

麻油百八九。味甘。微寒。熟者利大腸。下胞衣。生者摩瘡

腫。生禿髮。藏器主腸內熱結。孟詵下三焦熱毒。日華  
 煎膏。生長肌肉。消癰止痛。補皮裂。皆取其甘寒滑利。  
 除溼潤燥。涼血解毒之功也。按胡麻油。以白者爲  
 勝。服食以黑者爲良。取其黑色入通于腎。而能潤燥  
 也。生者過食。能發冷痢。脾虛作瀉者。勿服。治飲食物。





須逐日熬用。經宿則火性反復，即助熱動氣矣。香油乃炒熟脂麻所出，食之不致疾，若煎煉過，與火無異矣。然油生于麻，麻溫而油寒，同質而異性也。南史云：宋明帝宮人腰痛，牽心發，則氣絕。徐文伯診曰：髮痕也。以油灌之，吐物如髮，引之已長三尺，頭已成蛇，能動搖，懸之滴盡，惟一髮耳。若中河豚砒毒，倉卒無藥，急以油灌取吐，若胎漏難產，因血乾澀也。用清油半兩，好蜜一兩，同煎數十沸，溫服即下。他藥無益，以此助血為効。生者性寒而治疾，炒者性熱而發病，蒸者性溫而補人。

大麻阿左

麻仁百九甘平微寒，入手陽明足太陰經，潤五藏，通

大腸，風熱結燥及熱淋，催生倒產，吞仁即止。按麻仁木穀而治風，同氣相求也。丸藥釀酒俱善，但性滑利。陳良士云：多食損血脈，滑精氣，痿陽事。婦人多食發帶疾。陽明病汗出多，胃熱便難，三者皆燥也。用之以通利。月事不通，或半年一年者，麻子仁二升，桃仁二兩，研勻，熟酒浸一夜，日服一升。截腸怪病，大腸頭出寸許，痛苦乾則自落，又出若腸盡，即不治，但覺初截時，用器盛脂麻油，坐浸之，飲大麻子汁，即愈也。經

本草綱目 卷十三 穀部 麻仁





云燥者潤之。謂閉塞不通。當開發腠理。致津液而濡潤。宜通也。今麻仁丸。能潤腸胃之燥結。利溲便之澹難。不犯峻寒。宜攻老弱。故為潤燥之平劑也。然究竟走而不守之物。脾虛泄瀉者。勿服。極難去殼。用絹包。置沸湯中。至冷取出。懸井中一夜。勿着水。晒乾。新瓦上。接去殼。簸揚取仁。畏牡蠣白茯苓。

**浮麥**附麩皮味甘。鹹寒。養心除熱。止汗骨蒸。按浮

麥。即水淘淨。浮起無肉之麥殼也。善止虛汗盜汗。及虛熱勞熱。須加酸棗為妙。或煎湯代茶。或以豬鬃唇

浮麥。美奈之。  
羊歧

煮熟。醮食。無不宜也。麩皮與浮麥同性。而止汗之功。則次于浮麥。以醋拌蒸熟。袋盛。包熨風寒濕痺痛。至汗出極妙。若身體疼痛。及瘡瘍腫爛。不能着席者。用以夾褥臥之。性涼而軟。誠妙法也。

**麥粉**百九味甘。氣涼。消癰腫。療火傷。按麥粉。即麩

麩洗。舂澄出漿粉也。今人漿衣多用之。古方鮮用。按萬表積善堂方。有烏龍膏。治一切癰腫發背。初發。焮熱。用陳年小粉。以鍋炒之。初炒如錫。久炒則乾。成黃黑色。冷定研末。陳米醋調成糊。熬如黑漆。瓷罐收之。

本草匯 卷十三 穀部 浮麥 麥粉





用時攤紙上剪孔貼之。即如冰冷疼痛即止。久則腫消。藥力亦盡而脫甚妙。

糯米百九甘溫。煖脾胃。止虛寒。治洩痢。縮小便。收自

汗。益中氣。行榮衛。中血積。解芫青斑蝥毒。按糯米。

性溫。脾之穀也。釀酒則熱。熬餈尤甚。故脾肺虛寒者。

宜之。若素有痰熱。及風病脾病久病。不能轉輸者。忌

食。米泔之性。甘涼。食鴨肉不消者。頓飲一盞。即消。

薏苡仁百九甘淡微寒。陽中微陰。可升可降。入手足

太陰陽明。足厥陰經。外而身表。有去濕之妙。內而腸

薏苡仁一豆志  
多麻皓曰一種  
小者人家多植  
之

胃有進食之能。筋急拘攣。屈伸不便者。最效。濕痺症欬

嗽。涕吐膿血。併出者。極佳。肺壅症治痿癱于肺。藏消水

氣而益精。蓋其勢力緩弱。倍于他藥。方能。按薏苡仁。

屬土而入陽明。故能健脾益胃。清心養肺。本經主筋。

急拘攣。然拘攣有兩等。素問註中大筋受熱。則縮而

短。此因熱而拘攣也。可以用此。若因寒拘急。不可用

也。再攷丹溪之言。寒則筋急。熱則筋縮。急因于堅強。

縮。因于短促。若受濕則弛。弛則寬長。然寒與濕。未嘗

不挾熱。而三者。又未始不因于濕。薏苡仁。去濕要藥也。

本草匯 卷十三 穀部 糯米 薏苡仁 五 每七真





以衍義觀之。則筋病因熱可用。以丹溪觀之。則筋病  
因寒因濕因熱皆可用也。然寒而久留。亦能變熱。况  
外寒與熱。皆由內濕啓之。方能成病。古方小續命湯。  
註云中風筋急拘攣。語遲脉弦者。加薏仁。亦扶脾抑  
肝之義也。而張師正倦遊錄。有患疝疾重墜。大如盃  
者。薏仁同東壁土炒過。煑膏數服。卽瘥。總之此藥。性  
燥能除濕。味甘入脾。補胃兼淡。能滲泄。故筋攣骨邪。  
皆能治之。濕邪去。則脾胃安。脾胃安。則中焦治。中焦  
治。則能榮養乎四肢。而通利乎血脉矣。性主下行。虛

而下陷者。非其宜也。妊娠禁服。 淘晒炒

黑豆

百九  
五

味甘平。入足少陰經。明目鎮心。活血解毒。

能消水腫。可稀痘瘡。去煩熱。塗癰腫。治風痺癱緩。療  
筋攣膝疼。 按黑豆。稟土氣以生。屬水。爲腎家穀也。  
生溫熟寒。炒食極熱。作豉極冷。造醬則平。牛食之溫。  
馬食之冷。一體之中。用之數變。入鹽煑。常時食之。能  
補腎益陽。下氣消脹。初服時似身重。一年後便覺身  
輕矣。嬰兒十歲以下者。炒豆與猪肉同食。壅氣致死。  
十有八九。凡服草麻子。忌之。服厚朴者。亦忌之。最能



赤小豆 阿豆

動氣故也。古方稱此解百藥毒。大不然。又加甘草其  
驗乃奇也。緊小者佳。附豆淋酒法。用大豆三升。熬  
熟。至微烟出。入瓶中。以酒五升沃之。經一日以上。服  
赤小豆六十九。甘酸性平。陰中陽也。入手少陰太陽經。  
利水去蠱。一味磨吞。决効。散血排膿。研來醋傳神良。  
止渴行津液。清氣滌煩蒸。通乳汁。下胞衣。產科要矣。  
除痢疾。止嘔吐。脾胃宜之。本經主下水腫。別錄止洩  
瀉。利小便者。皆濕氣傷脾所致。小豆健脾燥濕。故能  
治之。吐逆者。氣逆上升也。卒澀者。大腸濕熱也。甘酸

歛氣逆。辛平燥濕熱。故皆治之。按赤小豆。稟秋燥

之氣。其性下行。通乎小腸。入陰分。凡有形之病。皆能

治之。水氣脚氣最為急用。袋盛朝夕踐踏。久久脚氣  
可愈。和桑根白皮煮食。去濕氣痺腫。和通草煮

食。則下氣無限。名脫氣丸。和鯉魚  
鱖魚黃雌雞煮食。能利水消腫。然久服則降令太

過。津血滲洩。所以令人肌瘦身重。世俗惟知治水。不


知扶土。所以制水。小豆健脾胃而消水濕。直窮其本

也。消痕散腫。雖潰爛幾絕者。為末傳之。無不立効。但

性粘滯。乾即難揭。入苧根末。即不粘。脾虛脹腫。當雜

補脾胃藥中用之。中病即止可也。此即五穀中常

本草綱目 穀部 赤小豆





食之品以緊小而赤黯色者佳其稍大而鮮紅淡紅者並不可用不可同魚鮮食成消渴作醬食成口瘡驢食足輕人食身重

菘豆百九甘寒入手足厥陰陽明經去浮風止消渴

解諸毒治熱中痘瘡濕爛不結痂疔音彼酸痛者乾

撲之愈藥石草畜中死心溫者水服之良退目翳皮之功也利三焦芽有力焉按菘豆之性肉平涼而

皮則寒物之屬木者也解毒之功過于赤小豆但功在綠皮去殼即壅氣矣外科有內托護心散一日至

綠豆布年登  
字又也倍那  
利

三日進十數服可免毒氣內攻藏府然有年老病深體虛之不同亦非必用之藥必當助氣壯胃使根本堅固而行經活血為佐使毒氣外發此則內托之本意也施治必早可以內消若胃寒者不宜食也附  
護心散三日內須連進數服方免變症稍遲毒氣攻內矣真綠粉一兩乳香溫竄半兩燈心同研和勻以生甘草濃煎湯調下一錢時時呷之扁鵲三豆飲預服疎解天行痘毒綠豆赤小豆大黑豆各一升甘草節二兩以水煮熟食豆飲汁七日乃止圓小者





佳。連皮用。反樞子殼。害人。合鯉魚鮮食。久則令人肝黃成渴病。

白菹豆百九甘平。陽也。可升可降。入足太陰經。消暑

氣。有解毒之能。和中氣。有厚腸之益。霍亂吐瀉。能除

河鮑酒毒。並解。加十味香薷飲內。治暑殊功。佐參苓

白朮散中。止瀉立效。痢疾不止者。服之可愈。病久脾

虛者。倍用。堪宜。按扁豆氣味中和。土家契合。倉廩

受培。自能通利三焦。升降清濁。土強去濕。正氣日隆。

傷寒邪熾者。禁用。花焙研服。治赤白崩帶。併泄痢。

硬殼者溫平。連皮炒熟。入藥。其軟殼及粟色者。微涼。但可供食。不堪入藥。

淡豆豉百九苦澆。甘寒。陰中之陰也。入手太陰。足太

陰經。解肌發汗。頭疼與寒熱同除。下氣清煩。滿悶與

溫癍並妙。疫氣瘴氣。皆可用也。痢疾瘧疾。無不宜之。

別錄治傷寒。頭痛寒熱。及瘴氣惡毒者。開腠發汗之

功也。豆性本下。得蒸晒則溫。故開發腠理。非苦溫不

能也。苦以湧吐。故又治煩躁滿悶。以熱鬱胸中。非宣

劑無以除之。按豆豉有鹹淡二種。惟江右淡者。治

豆豉久岐

菹豆阿知末  
米又云比良  
末末

本草匯 卷十三 穀部 白菹豆 淡豆豉





病性本平涼。一經蒸晒能升能散得葱發汗得鹽止吐得酒治風得薤治痢得蒜止血炒熟止汗下氣調中亦要藥也。傷寒直中三陰與傳入陰經者勿用熱結胸煩悶宜下不宜汗亦忌之。附造豉法黑豆一斗六月間水浸一宿瀝乾蒸熟攤蘆蓆上候微溫蒿覆五六日候黃衣遍滿為度不可太過取晒簸淨水拌得中築實甕中桑葉蓋厚三寸泥固晒七日又以水拌入甕如是七次甕收築封即成矣。

神麩今按久寸利乃古字之

神麩


二百味甘辛溫可升可降陽中之陽也入足陽

明經健脾消穀食停腹痛無虞下氣行痰泄痢胃翻有藉。按神麩功用與酒麩相同但酒麩健脾驅冷此則壯胃消食脾胃虛人與穀麥二芽常宜服之以助戊巳熟腐五穀須與參朮香砂同用為佳。造麩法伏天用白麩百觔青蒿汁三碗赤小豆末杏仁泥各三升蒼耳汁野蓼汁各三椀以配白虎青龍朱雀玄武勾陳螭蛇六神搜和作餅楮葉包裹如造醬黃法待生黃衣晒收臨用炒之陳久者良。

穀芽

二百味甘苦溫消食與麥芽同等溫中乃穀蘖

本草匯卷十三 穀部 神麩 穀芽 十一 海花





偏長。按穀芽即大米穀水浸生芽者具生化之性。故為消食健脾開胃和中之要藥。水浸脹滿候生芽晒乾去鬚取其中米炒研麩用。

麥芽二百味鹹甘溫陰中之陽可升可降入足陽明

蘗米子祢乃毛也之今案毛夜之

經熟腐五穀消導而無停運行三焦宣通而不滯療寒脹與痰飲亦催生而墮胎。按麥芽即大麥水浸生芽者以穀消穀有類從之義無推蕩之峻但有積者能消無積者久服則損腎消元然須同白朮諸藥兼用方為無害初熟時人多炒食有火能生熱病不


可不知造法同穀芽

飴糖安米

飴糖二百味甘大溫陽中之陰可升可降入足太陰

經氣分止嗽化痰千金方每嘉神効脾虛腹痛建中湯累奏奇功瘀血熬焦和酒服腸鳴須用水煎嘗本草言補虛乏者甘入脾而米麥皆養脾胃之物也又止渴去血者肺胃有火則發渴火炎迫上則血妄行甘能緩火之標則火降而渴血自止。按飴糖屬土而成于濕熱少用雖能補脾潤肺然多用之則生痰動火最甚大發濕中之熱生胃中之火此損齒之因

本草匯 卷十三 穀部 麥芽 飴糖





苦酒頌

非土制木。乃濕土生火也。甘傷腎。故腎病毋多食甘也。中滿吐逆。切宜忌之。而仲景謂嘔家不可用建中湯者。以甘故也。大米作者入藥。粟米次之。

苦酒即米醋甘酸苦溫。陰中之陽。可升可降。入足厥

陰經。主心腹之疼。除堅積之塊。澆紅炭而聞氣。產婦房中常起死。塗癰疽而外治。瘡科方內屢回生。浸黃藥。口瘡可愈。煮香附。鬱痛開除。煎大黃。劫痲癖如神。摩南星。敷瘤腫立効。按醋種甚多。惟米造者入藥。得穀氣之全也。其性收瀉。故能散水氣。經曰。東方之

酒左氣

木。其味酸醋。之所以專入肝也。多食傷筋損齒。食醋齒軟者。因水生木。水氣弱。木氣盛。故如是爾。亦損胃。不益男子。脾病不可多食。服茯苓丹參者。不可食醋。

酒二百五味苦甘辛。大熱。入十二經。通血脈而破結。厚

腸胃而潤肌。宣心氣以忘憂。助膽經以發怒。善行藥勢。可禦風寒。按酒品甚多。惟米造者。堪入藥用。其為用也。無微不達。無經不至。味之辛者。能散。苦者。能下。甘者。能居中而緩。淡者。則利小便而速下也。本草止言熱而有毒。不言其濕中發熱。過飲則相火昌熾。





肺金受燥。輒致痰嗽。脾因火而困倦。胃因火而嘔吐。心因火而昏狂。肝因火而善怒。膽因火而忘懼。膀胱因火而精枯。甚至勞嗽吐血。哮喘蠱脹。流禍不小也。大寒凝海。惟酒不冰。可知其性之熱也。故冷飲有三益焉。過于肺。入于胃。然後微溫。肺得溫中之意。可以補氣。次得寒中之溫。可以養胃。冷酒行遲。傳化以漸。若徒取適口。甚無益也。又人知戒早飲。而不知夜飲更甚。既醉既飽。睡而就枕。熱擁傷心。損目。夜氣收斂。酒以發之。亂其清明。勞其脾胃。停濕助火。因而致病者多矣。

燒酒大熱大毒。散寒破結。能燥金耗血。敗胃傷膽。鹽冷水。綠豆粉能解其毒。赤目洗之。淚出腫消。赤散。此乃從治之方也。凡酒忌諸甜物。酒漿照人無

燒酒世字知字

影不可飲。祭酒自耗不可飲。酒合乳飲。令人氣結。酒後食芥及辣物。緩人筋骨。酒後飲茶傷腎臟。醉臥當風。則成癡風。醉浴冷水。成痛痺。一切藥毒。因酒得者難治。又飲酒得鹹而解者。水制火也。又畏葛花赤豆花綠豆粉者。寒勝熱也。

菜部

韭二百六味辛微酸。氣溫。時珍曰熱入足厥陰經。固精氣。煖

腰膝。強腎之功也。止瀉痢。散逆冷。溫脾之力。與消一切瘀血。療胸膈噎氣。產婦血運熏止。以韭切安瓶中。沃以熱醋。令氣

韭仁良

本草匯 卷十三 菜部 韭 三 每花





入鼻脫肛腸痔洗佳。搗汁服。治胸痺刺痛如錐。和童尿散胃脘瘀血甚効。按韭屬金而有水與木。生則辛

而行血。熟則甘而補中。凡血之凝滯者。皆能行之。是

血中行氣藥也。

血留胃口作痛者。宜用韭汁。桔梗。加入藥中。開提氣血。有腎氣上攻。以致

心痛者。宜用韭汁。和五苓散為丸。空心茴香湯下。

素問言心病宜食。本草言

其歸腎。文雖異而理則貫。蓋心乃肝之子。腎乃肝之

母。母能令子實。虛則補其母也。反胃者。宜用韭汁。與

薑汁牛乳溫服。

韭汁消血。薑汁下氣消痰。和胃。牛乳解熱潤燥補虛。

然多食能

昏神暗目。最為養性所忌。若胃虛而有熱者。勿用。鬱

土未出者。食之滯氣。戒之。生辛瀉。熟甘酸。春食則

香。夏食則臭。多食昏神暗目。酒後尤忌。五月多食。乏

氣力。冬月多食。動宿飲吐水。不可與蜜。及牛肉同食。

韭子

二百七十

味辛甘。溫陽也。入厥陰經。補肝腎。煖腰膝。

主男子夢滑。溺頻。治女人白淫白帶。按韭子一物。

治鬼交甚効。梅師方治遺精。用韭子五合。白龍骨一

兩為末。空心酒服。三因方治下元虛冷。小便不禁。或

成白濁。有家韭子丸。蓋韭乃肝之菜。入足厥陰經。腎

主閉藏。肝主疎泄。素問曰。足厥陰病。則遺尿。思想無





窮入房太甚發為筋痿及為白淫男隨洩而下女綿綿而下韭子之治遺精便帶者能入厥陰補下焦肝及命門之不足命門者藏精之府故同治云爆乾簸去黑皮炒黃用

葱歧又云峇毛之


葱莖白

二百八

味辛平氣厚味薄升也陽也入手太陰

足陽明經通中發汗頭疼風濕總蠲除利便開關脚氣奔豚通解散達表和裏逐邪脫陽陰毒皆良按葱有寒熱白寒青熱傷寒湯中不得用青也其功長于解散以通上下陽氣故傷寒頭痛如破用連鬚葱白湯主之

張仲景治少陰下利清穀裏寒外熱厥逆脉微者白通湯主之面赤者四逆湯加葱白腹中痛者去葱白成註云腎惡燥急食辛以潤之葱白辛溫以通陽氣也生則辛散熟則甘溫外實中空肺之藥也肺病宜食之肺主氣外應皮毛其合陽明故所治之症多屬太陰陽明皆取其發散通氣之功也然多食令人昏神陰症厥逆唇青用葱一束去根及青留白二寸烘熟安臍上以熨斗熨之葱壞則易熟氣透入服四逆湯即瘥病人表虛易汗者勿食正月食生葱令人





蒜麻比苗今  
俗云仁牟仁  
久

面上起遊風冬月宜食不可過多損鬚髮虛氣上冲  
同蜜食殺人服地黃忌食

大蒜

九二百

辛溫有毒入足陽明太陰厥陰經消穀化

肉辟鬼驅邪破瘡癬多功灸惡瘡必效搗貼胸前痞

膈資外功之益研塗足底火熱有下引之奇按大

蒜薰烈走竄能通五藏達諸竅去寒濕其功至捷外

塗皮肉發疱作疼則其入腸胃而搜刮槩可見矣多

食傷肺損目肝開竅于目目得血而視辛溫太過則

血耗矣

大蒜屬火性熱喜散快膈傷氣之禍積久自見養生者忌之

中暑毒人搗

爛同道上熱土溫水服之下咽即知禁飲冷水鼻衄

不止者研如泥作餅貼足心左貼右右貼左兩鼻俱

出齊貼立瘥即去大抵毒瘡腫毒不能別者取獨頭

蒜兩顆搗爛麻油和厚傅瘡上乾即易之神効或背

瘡初起一日之內將濕紙貼尋瘡頭用大蒜十顆淡

豆豉半合乳香一錢細研隨瘡大小用竹片作圈圍

定填藥于內二分厚灼艾灸之痛至痒痒至痛為率

但頭及項以上切不可用此恐引氣上也肺胃有熱

肺腎有火氣虛血弱之人切勿沾唇

傷氣故也

雖有煖脾





胃祛濕寒之功亦宜暫用切勿過施不可同蜜食  
殺人

白芥子

二百

辛熱

入手太陰與足陽明經散寒發汗

利氣疏痰溫中而冷滯冰消辟邪而崇魔遠遁酒服  
而反胃宜痊醋塗而癰毒可散按白芥子大辛烈  
之物也辛能入肺溫能發散故豁痰利氣有功震亨  
云痰在脇下及皮裏膜外非此莫能達古方控涎丹  
用白芥子正此義也而三子養親方中用蘿蔔子開  
痞降氣紫蘇子止喘定嗽白芥子消痰寬中皆切中

老人然每劑不過三四錢各微炒研破看所主為君

老人痰氣喘嗽胸滿懶食不可妄投燥利之藥耗其真氣也若肺經有熱與夫陰

火虛炎咳嗽生痰者法在所忌其莖葉動風動氣有

瘡瘍痔疾便血者咸忌之微焙擊碎用生絹袋盛

入煮勿煎太過則味苦辣若大便素實者入蜜與薑

汁各一匙尤妙

萊菔根

二百

辛甘氣溫入手足太陰陽明少陽氣分

下氣消穀和中去癖生食止渴寬中煮服化痰消導  
解醒散血大治吞酸消麩毒治腐積按萊菔根葉

萊菔於保祿  
今俗云大根

本草綱目

菜部

白芥子 萊菔根

一

海





同功。屬土而有金與水。生則升氣。熟則降氣。散氣用生薑下萊菔。所主皆肺脾腸胃三焦之病。服地黃何首烏者。忌之。為其澀營衛。令人髮白也。多食動氣。惟生薑能制其毒。

萊菔子

二百

辛溫甘平。下氣定喘。消食除膨。生研堪

吐風痰。醋調能消腫毒。

按萊菔子其性甚烈。治痰

有推墻倒壁之功。生能升。熟能降。手足太陰之藥也。升則吐風痰。散風寒。發瘡疹。降則定痰喘。欬嗽。調下利後重。止內痛。皆是利氣之效。凡虛弱人忌之。

乾薑保之波  
志加美

乾薑

二百

苦辛大熱。氣薄味厚。半沉半浮。可升可降

陽中之陽也。入手太陰陽明。足太陰少陰。四經破瘀散濕。腹痛翻胃。均可服。溫中下氣。風痺積脹。悉皆除。生者逐寒邪而護表。炮者除胃冷而守中。炮熟與補陰同用。治血虛發熱之妙。炒黑與涼血同劑。療血熱溢泄之功。血虛引血藥入氣分而生血。血熱引涼藥與火性而相從。除腰腎間冷疼。并宣諸絡關節。遲脈必用于理中。血虛可施于產熱。命門火衰。佐以附子。真陽脫絕。濟此功多。

乾薑之用有四。通心助陽。一也。去藏府沉寒。二也。發諸經之寒。





氣三也。治感寒腹痛。四也。孕婦不可食。本經言其止血者。蓋血虛則熱。

熱則血妄行。炒黑則能引諸補血藥入陰分。血得補則陰生而熱退。且黑為水色。故血不妄行矣。又主胸滿欬逆。濕痺下痢者。辛以散結。溫可除寒之効也。

按乾薑稟天地之陽氣。生辛炮苦。盡有生薑之功。而力量較雄。專却藏府之痼冷。發諸經之寒痛。腎中沉寒無陽。脉氣欲絕者。黑附子為引用。多則耗散元氣。蓋辛以散之。壯火食氣。故也。須以生甘草緩之。肺寒咳嗽。仗五味為相助。同五味。則溫肺。同參。則溫胃。然炮則止而不

移。非若附子行而不止也。好古言其補脾。東垣理中。又言泄不言補。何也。蓋泄非泄脾之正氣。是泄脾中寒濕之邪也。亦治中焦寒邪。寒淫所勝。以辛散之。又補下焦。故四逆亦用之。能引血藥入血分。氣藥入氣分。去瘀養新。有陽生陰長之意。故凡血虛有陰無陽者。多宜黑薑。乃熱因熱用。從治之法也。生用。同橘皮。烏藥肉蔻。除胸滿欬逆。炒黑。同生地白芍。當歸牛膝。治產後惡露不盡。血虛發熱。多服。損陰傷目。陰虛內熱。表虛有汗。因熱下血。火熱腹痛。法並忌之。此乃





江西所造水浸三日去皮浸六日更刮去皮晒乾置  
瓷缸中釀三日始成薑皮作散堪消浮腫故五皮散  
用之。

生薑

二百十四

辛溫氣味俱厚浮而升陽也入手足太陰

足陽明經生能發表熟可溫中調胃有奇功止嘔爲  
聖藥除風寒去惡氣通神明療鼻塞氣脹腹疼俱妙  
痰凝血滯皆良和半夏主心下急痛同杏仁下氣實  
擁膈按生薑行陽而散氣之藥也所稟與乾薑性  
氣無殊第消痰止嘔出汗散風祛寒止泄疎肝導滯


生薑久禮乃  
波之加美

則功優于乾薑耳

生薑之用有四制半夏厚朴之毒一也發散風寒二也與棗同用辛

溫益脾胃元氣溫中去濕三也與芍藥同用溫經散寒四也不獨專于發散也兼

能和榮衛而行脾之津液焉入肺而開胃口孫真人  
云薑爲嘔家聖藥潤而不燥嘔乃氣逆不散薑則辛  
以散之也東垣云夜勿食薑者夜主闔而薑主開也  
秋勿食薑者秋主收而薑主散也古人云秋不食薑  
令人瀉氣夏月火旺宜汗散之故食薑不禁早行含  
薑不犯霧露之氣及山嵐不正之邪凡中風中氣乾  
霍亂一切卒暴之病薑汁與童便同服立効蓋薑能





開痰下氣童尿降火也。同棗用益脾胃而去濕。與芍藥溫經而散寒。古方以薑茶治痢熱痢留皮冷痢去皮薑助陽而茶助陰。且解濕熱暑氣之毒甚妙。去皮則熱留皮則冷。秦椒爲之使。殺半夏毒。惡黃芩黃連。病痔人忌之。癰瘡人多食則生惡肉。相感志云。糟薑瓶內入蟬蛻。雖老薑無筋。亦物性有所伏耶。

胡荽


即荳荽。二百十五

辛溫微毒。入手足太陰陽明經。走竄

入脾通心腹。香辛疏氣辟邪尸。熱氣結滯服之必効。肛門脫出薰之即良。嘉祐治沙癩痘瘡出不快者。外

胡荽古仁志語  
曰日本無之近  
年自大明渡種

爲風寒所侵。或穢氣所觸也。辛溫祛風寒。香竄辟穢氣。則湊理通暢而癩痘自發矣。按胡荽稟金氣多。火氣少。其辛香內通心脾。外達四肢。除一切不正之氣。故痘疹不出。及出不快者。同酒煎沸。蓋候冷。微微含噴。令遍。勿喫頭面。即皆出矣。蓋諸瘡皆屬心火。心脾之氣。得芳香則運行。得臭惡則壅滯。故也。直指方云。痘疹出不快。宜用此掛牀帳左右。以禦淫佚穢惡。不正之氣。若兒虛弱。及天時陰寒。用此最妙。若非風寒外侵。及觸惡之氣者。不宜用也。如壯實者。與夫春





夏晴煖亦不可用。凡服一切補藥，有白朮丹皮者，咸忌之。

毛 藿香久祀乃於

茴香二百十六辛溫。陽也。浮也。入手足太陰陽明太陽少

陰經。逐膀胱胃間冷氣。煖丹田命門不足。療諸疝腹痛吐瀉。治乾溼脚氣陰疼。按茴香本治膀胱藥。以

其先丙。故曰小腸也。能潤丙燥。以其先戊。故從丙至壬。開上下經之通道。所以壬與丙交也。腎消飲水。小

便如膏油。用茴香炒。苦楝子炒。等分為末。食前酒服。二錢。腎虛腰痛。茴香炒。研。以猪腰子批開。摻末入內。

濕紙裹煨熟。空心食之。鹽酒送下。小腸氣墜不可忍。

用大茴香荔枝核炒黑。各等分。研末。每服一錢。溫酒

服。偏墜。用大茴香一兩。小茴末一兩。牙猪尿胞一個

連尿。入二藥繫定。以酒煮爛。連胞搗丸。白湯送下。五


十九。仙方也。惡毒癰腫。或連陰卵。牽入小腹。不可忍。

一宿。即殺人。若用茴香葉。搗汁一升。服之。日三四服。

其滓。以貼腫上。冬月用根。神驗。形如麥粒。為小茴

香。性溫。宜入料食。形如栢實。裂成八瓣者。為大茴香。

性熱。損目。不宜入食料。微炒得鹽。則入腎經。酒炒。良。





山藥夜末乃伊毛

本草匯卷十三

三 梅根

薯蕷即山藥甘平。陽中微陰。可升可降。入手足太陰經。上氣不足之頭眩。中氣不足之虛羸。下氣不足之泄精。安神退熱。益氣生精。止瀉于滯下。和胃于虛經。膈泥之所忌。濇實之所輕。按山藥。稟春初之和氣。能補陰力。利丈夫虛羸。補其不足。清其虛熱。皮膚乾燥者。用以潤之。仲景八味丸用此者。以其涼而能補也。其言益腎者。金為水母。金旺則水生也。土為水仇。土安則水不受侮也。但性緩。非多用不効。銅刀刮去赤皮。糝白礬末少許洗去涎。蒸曝用。野生者尤

勝惡甘遂。

百合由利

百合

二百十八

甘平。陽中微陰。降也。入手太陰。陽明亦入

手少陰。經治傷寒。百合之奇邪。療神昏狂亂之鬼擊。除心腹不利之脹滿。下肺臟熱壅之氣逆。安和心胆。溫肺止嗽。按百合得土金清和。蓋清陽明三焦心部之熱。故君主鎮定。邪不能侵。相傳清肅。欬嗽可療。肝熱腎熱。皆能治之。仲景用以治百合病者。是亦清以安神之効也。能通二便。中寒下陷者忌之。有三種。葉短而潤。微似竹葉。白花四垂者。百合也。葉長而

本草匯


菜部

薯蕷

百合

三

每之類





狹尖如柳葉紅花不四垂者山丹也莖葉似山丹而高紅花帶黃而四垂上有黑斑點其子先結在枝葉間者卷丹也入藥宜用白花者良和肉煮更佳作粉最益人

本草匯卷十三 終

本草匯卷十四目次

菓部

杏仁 二百十九

烏梅 二百二十

白梅 二百廿一葉附

桃仁 二百廿二桃梟附

桃花 二百廿三

桃葉 二百廿四根皮附

大棗 二百廿五

雪梨 二百廿六

木瓜 二百廿七


山楂 二百廿八

乾柿 二百廿九柿霜附

柿蒂 二百三十

石榴皮 二百卅一

陳皮 二百卅二





青皮 二百卅三  
葉核附

枇杷葉 二百卅  
四肉附

胡桃 二百卅五

香櫟 二百卅六

橡斗子 二百卅七

荔枝核 二百卅八

龍眼 二百卅九  
核附

橄欖 二百四十

榧子 二百四十一

松子 二百四十二

檳榔 二百四十三

川椒 二百四十四  
椒目附

胡椒 二百四十五  
萼渣茄附

茶葉 二百四十六

甜瓜蒂 二百四十七  
卽苦丁香

西瓜 二百四十八

甘蔗 二百四十九

石蜜 卽白沙糖  
二百五十

紅糖 二百五十一


蓮子 二百五十二  
薏石蓮子附

藕 二百五十三  
節附

蓮鬚 二百五十四

荷葉 二百五十五

芡實 二百五十六





本草匯卷十四  
二  
梅

本草匯卷十四

吳門郊西郭佩蘭章宜纂輯

男 樹畹芳谷

姪 維均梅在 參閱

紫藤陳陸坤白筆校訂

果部

杏仁二百十九味甘苦溫氣薄味厚濁而沉墜降也陰也

入手太陰經散肺經之風寒下喘嗽之氣逆消心下

之急滿潤大腸之氣秘杏仁專入肺經解錫毒消狗

杏加良毛俗  
云安年寸

本草匯 卷十四 果部 杏仁 一





肉爛索粉積指癥斑疥。本經治欬逆上氣者。太陰為清肅之臟。邪客之而然也。杏仁潤下。欬自除矣。其用有三。

潤肺也。消食積也。散滯氣也。

按杏仁散結潤燥。治肺中風熱咳

嗽。下滯氣有功。因寒者用之為宜。第杏仁下喘治氣。桃仁療狂治血。俱治大便秘。當以氣血分之。晝便難行。陽氣也。夜便難行。陰血也。故虛人便秘不可過泄。脉浮者屬氣。用杏仁。陳皮。脉沉者屬血。用桃仁。陳皮。陳皮入肺。與大腸為表裏。故並用為使。又考括萋仁與杏仁均能治痰。然杏仁主散痰。從腠理中發散而

去。表虛者忌服。萋仁歛痰。從腸胃中滑潤而流。裏虛者忌服。若痰盛表裏俱實者。二味並用。同桑皮。前胡。薄荷。桔梗。蘇子。貝母。甘草。五味。橘紅。紫苑。治風寒入肺。咳嗽生痰。陰虛咳嗽。肺家有虛熱。熱痰者。忌之。風寒外邪。非壅逆肺分喘息急促者。不得用。湯浸。去皮尖。炒黃。研細。風寒肺病藥中。連皮尖用。取其發散也。作湯。如白沫不解者。食之氣壅。雙仁者有毒。惡黃芩。黃芪。葛根。得火良。

烏梅

二百廿

酸。澆。溫。平。陰也。降也。入手足太陰。足少陰。

烏梅布須部  
字米

果部

烏梅

二

梅核





經定嗽定渴皆由歛肺之勲止吐止痢盡是固腸之  
 力化痰生津安虵清熱蝕惡肉而至速消酒毒以清  
 神本經主下氣除煩熱安心者經曰熱傷氣邪客于  
 胸中則氣逆而煩滿心亦為之不安此能斂浮熱而  
 吸氣歸元故能安諸症也大腸虛脫則下痢虛火上  
 炎則津液不足而口乾好唾酸能斂虛火化津液固  
 腸脫所以主之也按烏梅得木氣之全故其味最  
 酸脾肺二經血分藥也斂肺扶脾調虛止痢取其和  
 胃之功仲景云生姜嘔家聖藥熱燥者烏梅代之多

見其有和胃止嘔治躁渴之功脉緩虛者必神氣散  
 脫取其收斂以酸收之法也若病未久有當發者又  
 未可便以此收也悞食必為害同川連白芍滑石甘  
 草蓮肉扁豆葛根升麻橘紅作丸治下痢如神血痢不愈  
用烏梅胡黃連竈下土等分為末茶調服甚  
驗蓋血得酸則斂得寒則止得苦則瀉故也諸瘡弩  
 肉用梅肉燒存性研傅惡肉上一夜立盡久嗽不已  
 烏梅肉微炒罌粟去筋膜炒等分為末每服二錢睡  
 時蜜湯下去核微炒若過食而齒齲音楚者嚼胡  
 桃肉解之忌豬肉

本草匯 卷十四 果部 烏梅 三 梅





今案手未保之


**白梅**二百廿一味酸鹹平。入手太陰足太陰經。中風牙閉。擦齦涎出便能開。乳腫癰毒。杵爛傅之惡即止。按白梅即霜梅也。功與烏梅相似。所主諸病皆取其收斂之義。惟仲景治虵厥烏梅丸及虫蠶方中用者。取虫得酸即止之義。稍有不同耳。宗奭云。食梅則津液泄者。水生木也。津液泄則傷腎。腎外為齒。故也。肝為乙木。膽為甲木。人之舌下有四竅。兩竅通膽液。故食梅則生津者。類相感也。素問曰。味過于酸。肝氣以津。又云。酸走筋。筋病無多食酸。不然。物之味酸者多矣。

何獨梅能生津耶。取大青梅以鹽汁漬之。日晒夜漬。十日成矣。久乃上霜。以葉搗濃汁飲之。治休息痢。夏衣生黴點。梅葉湯洗。即無。葛衣洗之。經夏不脆。月水不止。梅葉焙。棕櫚皮灰等分為末。服二錢。酒下。初生小兒取根同桃李根。煮湯浴之。無瘡熱之患。

桃毛

**桃仁**二百廿二苦辛甘。溫。氣薄。味厚。陰中之陽。可升可降。入手足厥陰血分。亦入手陽明經。破諸經之血瘀。潤大腸之血燥。肌有血凝。而燥痒堪去。心腹結痛。而堅物可平。殺三虫。治陰癢。本經治癥瘕瘀積者。血有形


本草匯 卷十四 果部 白梅 桃仁 四 梅花





而屬陰周流乎一身者也。一有凝滯即為瘀閉等病。或婦人月水不通及心腹宿血堅痛皆從足厥陰受病。肝為藏血之臟也。苦可以泄滯辛可以散結甘溫通行而緩肝故諸症自無。按桃仁稟地二之氣兼得天五之氣以生苦重于甘故破凝血用之其功有四。一治熱入血室。一泄腹中滯血。一除皮膚血熱燥痒。一行皮膚凝滯之血。成無已曰肝者血之原血聚則肝氣燥肝苦急急食甘以緩之。桃仁雖專治結亦須分虛實實者宜之虛者亦不可也。但用滋補血之

劑則自濡潤而無閉結之患矣。若經閉由于血枯腹痛由于血虛便塞由于津液不足者並不可服。如用之不當能使下血不止損傷陰真為害非淺。同歸芍澤蘭延胡蘇子五靈脂紅花牛膝生地益母。治產後瘀血作痛亦治經閉。同歸地麥冬芍苓甘草肉蓯麻仁。治大腸血燥不通。婦人難產者。桃仁一個劈開一片書可字一片書出字吞之即生。行血連皮尖生用。活血潤燥湯浸去皮尖炒用。雙仁有毒不用。桃樹生虫煮豬頭汁澆之即止。香附為之使。附桃梟苦





溫小毒。治伏梁結氣。中惡腹痛盜汗不止者。用乾桃子一個。霜梅二個。葱根七個。燈心二莖。陳皮一錢。稻根。大麥芽各一撮。水二鍾煎服。驗。食桃成病。用以燒灰取吐。以類相攻也。此是桃實着樹。經冬不落。如梟首磔木之狀。故名。酒拌蒸之。焙乾取肉用。

桃花

二百廿三

苦平。利宿水痰飲積滯。通二便。艱澇石淋。

禿瘡

三月三日。收未開桃花陰乾。與桑椹赤者等分。為末。以猪脂和。先取灰汁洗去癩。然後塗之。妙。

肥瘡可治。脚氣腫痛能消。

按桃花性走泄。下降。利

大腸甚快。用以治實氣閉塞者有功。若久服。即耗人

陰血。損元氣。乾糞塞腸。脹痛不通用。毛桃花濕者一

兩。和麩三兩。作餛飩。煮熟。空心食之。午腹鳴如雷。當

下惡物也。三月三日。採花揀盡。陰乾用。干葉者不用。

桃葉

二百廿四

苦平。治傷寒無汗。療風襲項強。

不得顧視。穿地作坑。

煨赤。以水洒之。令冷。鋪生桃葉于內。卧席上。以項着坑。蒸至汗出。良久即瘥。

按桃葉蒸


汗。古有是法。凡受寒冷。連發汗。汗不出者。燒地令熱。

去火。以少水洒之。布桃葉于上。厚二三寸。安席上。卧

之。溫覆得大汗。被中傅粉。及燥。便瘥也。然須顧表裏

時日。凡栢葉。麥麩。皆可如此。

附桃根皮除邪鬼中





惡腹痛解蠱毒疫癘瘡蟲天行疫癘以東行桃枝煎湯浴之黃

疸如金

晴明時清晨勿令雞犬婦人見取東引桃根極細者一握切細以水煎空腹服後三五日

其黃離離如薄雲散開百日方平復也黃散後可時時飲清酒一盃則眼中易散忌熱麵豬魚刮去

粗皮取白皮入藥

大棗

二百廿五

甘溫氣味俱厚陽也可升可降入足太陰

陽明經補脾胃而益氣具生津止瀉之功潤心肺而

強脉益五臟虛損之羸經曰裏不足者以甘補之又

曰形不足者溫之以氣甘能補中溫能益氣甘溫能

補脾胃而生津液故本經治通九竅利四肢也按

大棗保於黍豆

大棗屬土而有火味甘性緩為脾之菓血分藥也脾

病宜食之又曰脾病人毋多食甘毋乃相戾耶不知

言宜食者指不足之脾也如脾虛泄瀉之類毋多食

者指有餘之脾也如中滿腫脹之類若無故頻食則

生虫損齒貽害多矣成無已曰邪在榮衛者甘辛以

解之故用姜棗以和榮衛生發脾胃升騰之氣仲景

治奔豚用大棗滋脾土以平腎氣也治水飲脇痛有

十棗湯益脾土而勝妄水也好古曰中滿者勿食甘

甘令人滿故今人食甘多者脾必受病是以凡用藥





者能隨其虛實而變用之。雖尋常品味必獲奇功。苟執而泥之。卽有良劑。莫展其長。學者當以格致爲亟也。小兒患秋痢。蛭棗與食。能止。府病及齒痛。痰熱之人。俱不宜食。生者尤不利人。紅者功用相倣。差不及耳。堅實肥大者佳。忌與葱魚同食。殺烏頭附毒。入藥。劈去核。

梨那志


雪梨 二百廿六 甘寒。入手太陰。少陰。足陽明。厥陰。經。涼心潤肺。降火消痰。痞塞結胸者。熱結爲宜 擣汁飲。醒酒狂煩者。滌之良。生清六腑之熱。熟滋五臟之陰。按梨成

于秋。花實皆白。其得西方之陰氣者乎。別錄止言其害。不著其功。陶隱居言梨不入藥。蓋古人論病。多主風寒外邪。用藥以溫熱爲補。而不知梨有散風熱。潤肺涼心。消痰降火。解毒之功也。雖其性下行流利。然時運迭降。稟受遞殊。今人火熱痰病。十居六七。梨皆能潤。其益不少。但不可過食耳。尤宜于病酒煩渴。然多食令人寒中。若脾虛泄洩。寒疾嘔吐。及西北真中風証。法咸忌之。餘梨不去病。

木瓜 二百廿七 味酸。瀼。氣溫。味薄。氣厚。降多于升。陽中陰

木瓜毛計又云保介

本草匯 卷十四 果部 雪梨 木瓜 八 梅花






也。入手足太陰血分兼入足厥陰經。氣脫能收。氣滯能和。筋急者得之即舒。濕腫者遇之即愈。滋脾益肺。善走股肱。循行肚腹。充達木鬱。霍亂吐瀉。必須濕浮。脚氣最要。本經主濕痺。脚氣者。脾主四肢肌肉。其性惡濕而喜燥。濕氣侵入。則為濕痺。濕傷足絡。則成脚氣。木瓜溫能通肌肉之滯。酸能斂濡滿之濕。故脚氣濕痺得之而自除也。又治霍亂轉筋不止者。脾胃病也。夏月暑濕飲食之邪。傷于脾胃。則揮霍撩亂。上吐下瀉。甚則木乘脾土。而筋為之轉也。酸溫能和脾胃。

固虛脫。兼之入肝而養筋。所以能療肝脾所生之病也。按木瓜。稟東方之酸。得木之正。故入厥陰治筋。非他藥所能儔匹。吐利轉筋。皆脾胃病。非肝病也。肝雖主筋。而轉筋則由濕熱。或寒濕之邪。襲傷脾胃。故轉筋必起于足腓。腓及宗筋。皆屬陽明。木瓜治轉筋。非益筋也。理脾以伐肝也。土病則金衰。而木旺。故用酸溫以收脾肺之耗散。而藉其走筋以平肝邪。乃土中瀉木以助金也。木平。則土得令而金受蔭矣。木瓜最療

轉筋如轉筋時。但呼其名。及書上作木瓜字。皆愈。

孟詵云。多食木瓜。損齒及





骨皆伐肝之明驗。真者皮薄色赤黃香而甘酸不  
澀去硬皮及子白中杵碎晒乾陳久者良忌鐵器以  
牛乳汁拌蒸燒灰散池中。可以毒魚。

山檀今案左  
流那志

山檀即山查二  
百廿八味酸微溫入足陽明太陰經消肉食

之積治痞滿滯脹疝氣為殃茴香佐之而取效兒枕  
作痛沙糖調服以成功發小兒痘疹化血塊痰積唐  
本治水痢震亨治產後惡露不盡者蓋積滯不行則  
成下痢惡露畜于太陰部分則為兒枕痛山查能入  
脾胃消積滯散宿血故治水痢及產婦腹中病也

按山查善去腥羶油膩肉食之積與麥芽之消穀積  
者不同故幼科用之最多。老雞硬肉入山查數枚即  
易爛可以推其消肉之功

矣若傷寒為重症仲景于宿滯不化者但用大小承  
氣一百一十三方中並不用山查為其性緩不可以  
肩弘任巨耳若胃家無食積及脾虛不能運化者食  
之反致尅伐脾胃生氣如脾虛兼有積滯者當與補  
藥同施同紅麴麥芽橘皮白朮肉豆蔻厚朴砂仁能  
消食健脾同牛膝生地當歸續斷益母澤蘭丹皮蒲  
黃芍藥治兒枕作痛核有功力不可去也。

本草匯 卷十四 果部 山查 檉花





柿加歧

本草綱目 卷十四

十一 柿霜

乾柿二百廿九味甘澆寒入手足太陰血分壓胃熱止口  
乾治血淋潤心肺消痰止渴療嗽潤聲本草治通耳  
鼻氣腸胃不足者鼻為肺之竅耳為腎之竅金水二  
臟最忌火熱二臟有火上炎則外竅閉而不通得甘  
寒之氣使火熱下行竅自清利矣又肺與大腸表裏  
濕熱傷血分則為腸澀不足甘能益血寒能除熱臟  
氣清而腑病亦除也 按柿稟地中之陰氣屬金有  
土屬陰有收為脾肺血分之果故有健脾澀腸治嗽  
止血之功酒後食之令人易醉或心痛欲歿別錄言

解酒毒者非也凡血淋澀痛臟毒下血以乾柿燒灰  
或散或丸服之不可與蟹同食二物俱寒令人腹痛  
作瀉惟木香可解磨汁灌之即漸甦醒乾者寒氣稍  
減肺經無火因客風寒作嗽及感寒嘔吐者有痰者  
皆忌服中桐油毒可解又柿霜即柿上白霜也真者  
甘平冷澆入上焦藥能清心肺之火生津止渴化痰  
寧嗽又治咽喉口舌瘡痛同桑白皮百部天麥冬沙  
參貝母蘇子枇杷葉橘紅栝樓根作丸治肺火咳嗽  
生痰妙

本草綱目

卷十四

果部

柿子

柿霜

十一

柿霜

20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51



柿蒂二百三十味瀋苦溫療咳逆治噦氣按柿蒂苦溫能降逆氣之物也震亨曰人之陰氣依胃為養土傷則木挾相火直冲清道而上作欬逆古人以為胃寒用丁香柿蒂不知其孰為補虛孰為降火不能清氣利痰惟有助火而已時珍云咳逆者氣自臍下冲脉直上至咽膈作呃忒蹇逆之聲也南陽書以噦為欬逆湧洄集以欬嗽為欬逆皆非也噦者乾嘔有聲也欬逆者有傷寒吐下後及久病產後陰氣大虧陽氣暴逆自下焦逆至上焦而不能出者有傷寒失下及

平人痰氣抑遏而然者當視其虛實陰陽或溫或補或泄熱或降氣或吐或下可也古方單用柿蒂煮汁飲之取其苦溫能降逆氣也濟生柿蒂散加以丁香生姜之辛熱以開痰散鬱此從治之法也

石榴佐久呂

石榴皮二百三十一味酸瀋氣溫入足厥陰太陰少陰經治瀉痢腸虛止崩帶欲脫煎服而下虻虫點汁止目淚

按榴受少陽之氣而榮于四月盛于五月實于盛夏熟于深秋丹花赤實具木火之象故多食損肺齒而生痰涎其皮味酸瀋故入斷下崩中之劑善于收

本草匯 卷十四 果部 柿蒂 石榴皮 三 每花與





攝新病者勿蚤服也。不拘乾濕勿犯鐵器漿水浸一夜取出用其水如墨汁。

陳皮二百三味苦辛溫氣薄味厚陽中之陰可升可降

入足陽明太陰經。去白者各橘紅性熱能除寒發表入手太陰經。止嘔定衝

頗有中和之妙清痰洩氣却無峻烈之嫌留白者和

胃偏宜去白者疏通端掌。按陳皮體氣輕浮能導

胸中寒邪滯氣功在諸藥之上味辛宜肺香利于脾

肺為攝氣之籥脾為元氣之母故為二經要藥同補

藥即補同瀉藥即瀉同升藥則升同降藥則降君白

橘太知波那今俗云羨可年

木則益脾胃佐甘草則補肺獨用則瀉肺損脾加青皮去滯氣推陳致新與蒼朮厚朴同用能去中脘已上至胸膈之邪而平胃氣再加葱白麻黃之類則能發肉分至皮表有餘之邪理氣燥濕雖曰中和然單服久服亦能損真也。中氣虛與氣不歸元者忌與耗氣藥同用陰虛欬生痰不宜與半夏南星等藥同劑。紋細色紅而薄內多筋脉者橘皮也其味苦辛。紋粗色黃而厚內多白膜者柑皮也其味辛甘皮厚而虛紋粗色黃內多膜無筋者柚皮也其味甘多辛

本草匯 卷十四 果部 陳皮 三 檉花





少以此別之。即不差矣。

橘皮性溫。柑柚皮性冷。不可不知。

鹽洗潤透。

刮去筋膜。晒乾用。最能降氣。如藥中多用人參。以此同入。不作脹。中燥人少服。其肉生痰。聚飲甘者潤肺。酸者生痰。一物而表裏之異如此。

青皮

二百三十三

苦烈辛溫。氣味俱厚。沉而降。陰也。足厥陰

引經之藥。兼入足少陽。太陰。經。破滯氣。

即左肋下鬱怒痛甚者。

愈低而愈効。削堅積。

即小腹中溫瘧。熱盛纏久不愈。必結癖塊者是也。

愈下

而愈良。引諸藥至厥陰之分。下飲食入太陰之倉。

按青皮乃橘之未黃而青色者是也。功用與陳皮悉

同。但陳皮治高。青皮治低。性較猛耳。

陳皮浮而升。入脾肺氣分。青皮

沉而降。入肝膽氣分。與枳殼治胸膈。枳實治心下。同意。

疏利肝邪。有滯氣則破

滯。無滯氣則損真。乃肝膽二經氣分藥也。

炒黑則入血分矣。

然入肝者。以其色也。究竟主脾肺之症居多。瘧脉自

弦。肝風之祟。青皮入肝散邪。入脾滌痰。故瘧家為必

需之品。破肝氣使之下行。故柴胡疏上焦之肝氣。青

皮理下焦之肝氣。今人有多怒鬱滯。或小腹疼痛。用

以疏通肝膽。行其氣也。若二經虛者。必當先補而後

用。嘉謨曰。久瘧熱甚。必結癖塊。宜多服清脾湯。亦疏





利肝邪之意耳。最能發汗。凡有汗者不可用也。說出楊仁

齋同人參鼈甲能消瘧母。同枳殼肉桂川芎治左脇

痛。凡欲施用必與補劑同施。誤服立損真氣。為害不

淺。脾肝氣虛者。切忌。老人禁之。以湯浸去瓢。切片。

醋拌。瓦炒過用。所以用醋者。肝欲散。急食辛以散之。

以酸泄之。以苦降之也。其色青薄而光。芳烈氣猛。市

多以小柑小橙偽之。不可不慎辨也。核入足厥陰。

疏膀胱疝氣。一味炒去殼。酒服五錢。苦溫下氣。所以

能入腎與膀胱。除因寒所生之病也。葉主乳癰肺

癰。絞汁飲之。二症皆屬陽明厥陰。此能散二經滯氣

故用之而効。

**枇杷葉**二百三四苦甘辛平。氣薄味厚。陽中之陰。降也。入

手太陰。足陽明。經。下氣清熱。定咳消痰。清肺。則降火

而除痰嗽。和胃。則寬中而止嘔噦。別錄治卒嘔不止

者。噦者。噦也。其聲濁惡而長。經曰。樹枯者葉落。病深

者。聲噦。病者見此。是為危証。枇杷葉善下氣。氣下則

火不上升。而胃自安。故卒嘔止也。按枇杷葉偏理

肺臟。故主肺風熱嗽有功。長于降氣。氣降則火清痰

枇杷皓曰今  
用音

本草綱目 卷十四 木部 枇杷葉





順但去毛不淨則射人肺中作嗽難療胃寒嘔吐及肺感風寒咳嗽者並忌之〔肉〕味酸甘滋潤五臟少食止吐逆止渴多食發痰發熱傷脾同炙肉及熱麪食之令人患熱黃疾 濕葉重一兩乾者三葉重一兩者為氣足堪用粗布拭去毛或以粟杆作刷以甘草洗過塗酥炙用治胃病以姜汁塗治肺病以蜜汁塗炙乃良。

胡桃久啖美

胡桃二百三五味甘氣熱入手太陰足少陰經養血潤腸歛肺治喘利三焦氣益命門火佐補骨而治痿強陰

兼胡粉而板白變黑銅物可鎔齒齲能解 按胡桃達命門之品也稟火土之氣本經雖云甘平然其氣多熱而孫真人言其冷滑者誤也時珍云三焦者元氣之別使命門者三焦之本原蓋一原一委也命門指所居之府而名為藏精係胞之物三焦指分治之部而名為出納熟腐之司一以體名一以用名在七節之傍兩腎之間上通心肺下通二腎貫屬於腦為生命之原相火之主精氣之府靈樞言之已詳而扁鵲難經不知原委體用之分以右腎為命門以三焦





為有名無狀。承訛至今。莫之能正。至朱肱陳言戴起宗始著說闢之。而知者尚少。胡桃仁頗類其狀。而外之皮汁皆青黑。故能入北方。通命門。利三焦。為補腎命之藥。夫命門氣與腎通。藏精血而惡燥。若腎命不燥。精氣內充。則飲食自健。肌膚光澤。腸腑潤而血脈通。命門既通。三焦自利。故上通于肺而止虛寒喘嗽。下通于腎而止腰脚虛疼。佐以破故紙。有水木相生之妙。破故紙屬火。能使心包與命門之火相通。胡昔桃屬水。王潤血養血。血屬陰。陰惡燥。故也。昔有兒病痰喘。五晝夜不乳食。夜夢觀音授方。令服人

參胡桃湯。灌之即定。明日去胡桃皮。喘復作。仍連皮用而愈。蓋人參定喘。胡桃能斂肺。故也。胡桃同生。姜嚼服亦妙。一味連皮空腹食之。最能固精。虛寒人服之相宜。若肺有熱痰。命門火熾者勿用。搗和胡粉。拔白鬚髮。內孔中則生黑毛。殼外青皮。壓油塗髮。色如漆也。油者辛熱有毒。傷人咽肺。而瘡科取之。正用其毒也。香櫟二百三十六苦酸辛。溫。入手足太陰經。理上焦之氣。止嘔宜求。進中州之食。健脾宜簡。按香櫟性雖中和。單用多用。亦損正氣。脾虛者須與參朮並行。乃有相





成之益耳。陳久者良。去白炒。

橡斗子二百七苦溫。入足太陰。陽明經。固精頗効。止痢。

稱奇。消石癰。如石不作膿。以斗子醋磨塗之。不過數次。傅脫肛。按斗子。

非果非穀而最益人。無氣而受氣。無味而受味。消食。

止痢。令人強健不肌。若新痢濕熱甚者。病齒墜及火。

病人忌之。去殼。水浸去澀味。蒸極熟。焙用。

荔枝核二百三八味甘溫。瀋入厥陰經。治疝氣癩腫。療腎。

陰如斗。按荔枝屬陽。性熱。主散無形質之滯氣。其。

核溫。通行肝腎。散滯辟邪。其實雙結而核肖罌丸。故。

橡實今案  
沒。曾古云  
登知

荔枝加良多  
毛乃皓曰近來  
渡海

治癩疔卵腫。類象形之意也。卒心瘋。以一枚煨存性。研末酒服。痘瘡出不爽快。煎湯飲之。焚殼亦解穢氣。同青皮茴香等分。炒研酒服。治腎腫。荔枝殼。橡斗殼。炒。石榴皮炒。甘草各等分。以五錢水煎服。治赤白痢。其性畏熱。鮮者食多。卽齧腫口痛。或衄血也。食荔枝多則醉。以殼浸水飲之。卽解。此卽食物不消。還以本物消之之意。

龍眼二百三九味甘溫。平。入手少陰。足太陰經。補心虛而。

長智。悅胃氣。以培脾。除健忘與怔忡。能安神而熟寐。

龍眼多豆乃  
米皓曰日本  
無之近來自  
南亞來

本草匯卷一四 果部 橡斗子 荔枝核 龍眼





按龍眼性稟和平。不熱不寒。能助心益智。故有益智之名。歸脾湯用為向導。甘先入脾也。道家有服龍眼法。五更將不見水乾龍眼。齒肉去核。即用舌攪華池之法。細細嚼至查成膏。連口中津汨汨然嚥下。又如前法。食第二枚。共服九枚。未申二時。又服九枚。臨卧又服。一日四次。則氣和心靜。且嗽津納咽。是取坎填離之法。勞症者勤行一月。無不愈者。若中滿者忌之。核治胡臭。以六枚同胡椒二七粒研。遇汗出。即擦之。食品以荔枝為貴。而資益則龍眼為良。蓋荔枝

性熱而龍眼和平也。

**橄欖**二百四十味澀甘平。入足陽明。清咽喉而止渴。解胎

毒而敷疖。小兒落地。用橄欖一箇燒。研硃砂末一二分。和勻。嚼生芝蔴和藥。絹包與啞。取下穢

毒。出痘稀少。消酒稱奇。殺毒更異。按橄欖味澀性熱。肺

胃家果也。醉飽宜之。多食能致上壅。其主用與訶黎

勒相同。中鰈鮓即河豚魚毒。煮汁服解。亦解諸魚骨鯁。如

無橄欖。以核研末。急水調服。唇吻燥痛。取仁研傅妙。

凡用截去兩頭。以其性熱也。

**榧子**二百四一味澀甘平。一云熱。味厚氣薄。降也。入手太陰

榧加也

本草匯 卷十四 果部 橄欖 榧子 七 每七





陽明經殺百種之蟲。手到而痊。療五般之痔。頻嘗則愈。消穀食而治咳。助筋骨而壯陽。按榧子。肺家果也。善殺腹間大小蟲。小兒有蟲積者。宜食之。東坡詩云。驅除三彭蟲。已我心腹疾。蓋指其殺蟲也。空腹食二十一枚。七日蟲皆下。多食則引火入肺。大腸受傷。同鵝肉食。生斷節風。猪脂拌炒。黑皮自脫。同甘蔗食。其渣自軟。好食茶葉者。每日食七枚。以愈為度。髮易落者。榧子三箇。胡桃二箇。側柏葉一兩。搗浸雪水。梳頭髮。取不落且潤也。榧子皮。反菘豆。能殺人。

松子

二百四十二

甘溫。逐風痺。溫腸胃。治燥結。潤皮膚。

按

松子。甘美大溫。中和之品也。善理肺燥。欬嗽。故鳳髓湯中。用松子仁一兩。胡桃仁二兩。研膏。和熟蜜半兩。食後沸湯點服。又大便虛秘者。用松子仁。栢子仁。麻子仁。等分。研泥。溶白蠟和丸。黃芪湯下。陰虛多燥者。珍為神丹。

檳榔

二百四十三

味苦辛。瀋微溫。味厚氣輕。沉而降。陰中陽

也。入手足陽明經。入胸腹。破滯積而不停。入腸胃。逐痰癖而直下。降至高之氣。疏後重之急。瘧疾與瘴癘。

檳榔皓日無之



借收脚氣與殺蟲並選。按檳榔性沉如鐵石能泄至高之氣墜諸藥于下極故治痢家後重如神夫足陽明為水穀之海手陽明為傳道之官二經相為貫輸以運化精微者也。一經病則水穀不化或濕熱停久變生痰癖虫積此藥辛能散結苦能殺虫故可以除諸症。閩廣地煖淫蒸多瘴癘之氣皆珍為上品。苟無瘴氣寧無損正之憂乎。同黃連扁豆蓮肉橘紅白芍紅麴烏梅葛根枳殼治滯下後重一味檳榔半兩為末以葱蜜湯服一錢治諸虫在臟凡病屬陰陽兩


虛中氣不足無宿食者悉在所忌。去空心者刮去臍皮見火無功。

川椒

二百四十四

辛熱有毒氣味俱厚陽也。入手足太陰右

腎命門氣分兼入手厥陰經溫脾土而擊三焦之冷滯補元陽而蕩六腑之沉寒飲癖氣癥和水腫累建奇功殺虫止嘔及腸虛恒收速効通血脉則痿痺消除行肢節則機關健運解鬱結療陰汗絕傳尸勞症治食茶面黃。按川椒稟火金之氣性下達命門益下不冲上蓋導火歸元除濕消食溫脾補腎之劑也。





本草綱目 卷十四  
稟南方之陽。故入腎而奏扶陽益火之効。受西方之陰。故入肺而奏止嗽下氣之功。乃玉衡星之精。善辟疫伏邪。此歲且有椒栢酒也。上清訣云。凡喫飯傷飽。覺氣上冲痞悶。以水吞生椒一二十顆。卽散。取其能通三焦。下惡氣也。若空心朝起。以沸湯送二十顆。有治寒祛冷之妙。有消食散寒之奇。久服。則永不受風寒濕。大能溫補下焦。亦神異之品也。戴元禮云。凡人嘔吐服藥不納。加川椒十粒便止。蓋嘔吐必有虵在膈間。虵見椒則伏也。然其功雖芳草所不及。若服之

既久。未免火自水中生。所以服椒者。往往有被其毒也。宜于命門虛寒。中氣虛寒。有濕鬱者。若陰虛火旺之人。在所大忌。椒目苦辛。能行滲道。不行穀道。善消水腫。定喘燥濕有功。又能治腎虛耳聾。如風水鳴。鐘磬聲者。用巴豆菖蒲同碾細。以松脂黃蠟溶和爲挺。納耳中抽之。一日一易。神驗。去核及閉口者。微炒出汗。乘熱入竹筒中。搗去裏面黃殼。取紅用杏仁爲使。畏欬冬。防風附子雄黃中其毒者。凉水麻仁漿解之。五月勿食椒。



胡椒未苗波志  
加美

胡椒

二百四五

辛辣大熱氣味俱厚陽也。入手足陽明經。

去胃口冷氣除大腸寒滑消冷積陰毒治反胃虛脹。

按胡椒屬火而性燥積寒久冷食已不飢吐利腥

穢澄徹清冷此皆大寒之兆用為得宜然走氣助火

久服大傷肺氣及大腸經必致腸風臟毒昏目吐血

牙齒痛用胡椒草菱者散其中浮熱也。〔葶澄茄辛

散快氣乃胡椒之嫩者向陰者為澄茄向陽者為胡

椒茄柄粗而蒂圓去柄及皺皮酒蒸杵細晒乾用。

忌同川椒。

茗知也

茶葉

二百四六

苦甘微寒氣薄輕浮陰中之陽可升可降。

入手足厥陰經消食下氣止渴醒眠解炙燂之味清

頭目酒毒

頭目不清熱熏土也以苦泄之

按茶葉之為物也以其

得天地清陽之氣兼得春初生發之意故其所主皆

以清肅上膈為功然以味甘不澀氣芬如蘭峒山者

為清貴上品堪入藥中古人多言其苦寒不利脾胃

及多食發黃消瘦之說此皆語其粗惡者耳古有姜

茶治痢方姜助陽茶助陰一寒一熱調平陰陽不問

赤白冷熱用之皆良東坡云除煩去垢不可無茶然





空心飲茶直入腎經且寒脾胃乃引賊入門也戒之

服威靈仙土茯苓者忌

甜瓜蒂即苦丁香苦寒氣薄味厚浮而升陰多于陽

入手太陰足陽明足太陰經理上腕之疴或水停或

食積總堪平治去胸中之邪或實煩或壅塞咸致安

寧水泛皮中得吐而痊濕家頭痛嗜鼻而愈酸漿以

為引湧泄誠有功吹鼻中可出黃水入口內堪去痰

涎本經主大水身面四肢浮腫黃疸欬逆上氣者皆

脾胃虛水氣濕熱乘虛而客之也苦以湧泄使水濕

甜瓜阿麻字  
利今案可良  
字利

之氣外散經曰在高者因而越之病在胸腹則氣不

得歸元而為咳逆上氣吐出胸中之邪則氣順而咳

逆止矣按甜瓜感時令之火熱稟地中之伏陰為

陽明除濕熱之藥極苦性急而上湧堪為膈間吐發

之劑素問所謂高者因而越之上者涌之越以瓜蒂

香豉之苦涌以赤小豆之酸是也難經曰上部有脉

下部無脉其人當吐不吐者死此飲食傷太陰脾土

生發之氣伏于下宜瓜蒂散吐之其方用瓜蒂二錢

錢半為末每用一錢以香豉一合半熬黃赤小豆二

熱湯七合煮糜去查和服取吐止素問所謂木鬱則

本草匯

卷十四

果部

甜瓜蒂

每七包





西瓜皓曰俗云  
須伊久和近軍  
自明渡種在  
薩州

達之是也。吐去有形之物，則木得舒暢，天地交而萬物通矣。若尺脉虛絕者，又不宜用也。最能損胃耗氣。凡上部有實邪，可用胸中無寒，皮中無水，頭面無濕，及一切亡血諸虛家病後產後，併脉微者，皆不可輕用。悞用吐不止者，麝香解之。用蒂約半寸許，晒極乾，臨時研用。凡食瓜多作脹，食鹽花即化，或飲酒及水，服麝香尤勝。

西瓜

二百四十八

味甘淡寒，解暑熱，消煩渴，利小水，解酒毒。

按西瓜，生冷之物也。世以為醍醐灌頂，甘露洒心。

甘蔗今案左  
多字乃喜

取其一時之快，不知其傷脾助濕之害也。所以古人有天生白虎湯之號，稔知其寒也。而真西山衛生歌云：瓜桃生冷宜少食，免致秋來成瘧痢。愚者妄云不傷脾胃，誤也。得酒氣，近糯米，即易爛，猫踏之，即易沙。

甘蔗

二百四十九

味甘平冷，氣薄味厚，陽中之陰，降也。入手

足太陰，足陽明，經和中而下逆氣，助脾而利大腸，乾嘔不息。蔗漿薑汁同溫服。小兒疳口，用皮燒末，摻之良。按甘蔗，脾之果也。其漿甘寒，能瀉火熱，素問所

本草匯

卷一 果部

西瓜 甘蔗

宜

每斤





謂甘溫除大熱之意。若煎鍊成糖。則甘溫而助濕熱。所謂積溫成熱也。其消渴解酒。自古稱之。而孟詵乃謂其共酒食發痰者。豈不知其有解酒除熱之功耶。今人皆以蔗漿為性熱。獨不觀王摩詰詩云。飽食不須愁內熱。大官還有蔗漿寒。蓋詳于本草者耶。惟胃寒嘔吐。中滿滑瀉者。忌之。多食發虛熱。動衄血。同榧子食。則渣軟。

石蜜

即白沙糖二百五十

甘溫。入足太陰經。生津解渴。除咳消

痰。潤心肺燥熱。助脾氣。緩肝。按白沙糖。即蔗汁煎

石蜜今案志  
呂左多字又  
云古保利左  
多字

而曝之。凝結作餅塊者。是也。甘喜入脾。多食則害。必生于脾。西北地高多燥。得之有益。東南地下多濕。得之未有不病者。比之紫沙糖。性稍平。功用實相同也。入藥畧勝。若久食。助熱損齒之害一也。中滿者禁用。紅沙糖。二百五甘溫。功用與白者相倣。和血乃紅者。獨長。按沙糖。蔗汁之清。而鍊至紫黑色者。雖云與白者同功。然而不逮白者多矣。既經煎鍊。則未免有濕熱之氣。故多食能損齒生蟲。糖生胃火故也。發疔脹滿。與鯽魚同食。成疔蟲。與笋同食。不消成癥。身重不能行。今

本草匯 卷十四 果部 白糖 紅糖 三





本草綱目 卷十四  
人每用爲調和。徒取適口而不知陰受其害矣。但其性能和平。緩肝。故治脾胃。及瀉肝藥中。用爲先導。本草言其性寒。蘇恭謂其冷痢。皆昧此理。作湯下小兒丸散者。非也。

蓮子

二百五

味甘平。瀋入手少陰。足太陰。陽明。厥陰。少

陰。經心腎交而君相之火邪俱靖。厚腸胃而瀉痢之滑脫。均收。頻用能澀精。作粥令強健。按蓮子產于污泥而不爲泥染。居于水中而不爲水沒。中含白肉。內隱清心。稟芳香之氣。得稼穡之味。乃脾之果也。脾

者黃宮。所以交媾水火。會合木金者也。土爲元氣之母。母氣旣和。津液相成。神乃自生。凡果動宿火。惟蓮可清心。但生食微動氣。蒸食則養神。大便燥澀者。勿服。不去心。令人作吐。凡使須去心。蒸焙用。得茯苓白朮枸杞良。青心名蓮薏。苦寒。能清心去熱。亦治血渴。產後渴。又張上舍治勞心吐血。用心七箇。糯米廿一粒。爲末。酒服。又醫林治小便遺精。用心一撮。爲末。入辰砂一分。每服一錢。白湯下。効。石蓮子乃經霜後。堅黑如石沉水者。置鹽鹵中。能浮者。入手少陰。足陽



藕波須又波  
知須

明太陽經開胃進食清心解煩專治噤口痢及濕熱  
滲入膀胱白淋白濁等疾今肆中石蓮子其味大苦  
產廣中樹上不堪入藥 去殼用

藕二百甘平入手少陰足太陰經生用則滌熱除煩

散瘀而還為新血熟用則補中和胃消食而變化精  
微解酒毒及病後乾渴治熱淋併產後悶亂 按蓮  
藕稟土氣而生生寒熟溫所主皆心脾血分之疾乃  
水果中之嘉品也凡物皆生冷惟藕不同生冷故產  
後獨藕不忌為能去瘀故也節味帶澇止血解熱有

功

蓮鬚二百味甘澇溫入手足少陰經清心而諸竅之

出血可止固腎而丹田之精氣無遺鬚髮變黑泄痢  
能除 按蓮鬚一物本草不收而三因方中固真丸

巨勝子丸各補益方中往往用之其功大抵與蓮子  
相同血家泄家尊為上品蓋溫而不熱之劑也 忌

地黃葱蒜

荷葉二百苦平助胃消食澀精散瘀產後胞衣不下

與蓮殼同功炒香為末煎汁或童便服陽水浮腫血脹單研

本草匯卷十四 果部 藕 蓮鬚 荷葉





米飲調下。按荷。中空。有陰中生陽之清氣。張潔古枳朮丸方。用荷葉燒飯爲丸。夫震者動也。人感之。生足少陽甲膽。爲生化萬物之根蒂。飲食入胃。營氣上行。卽甲膽之氣。與三焦之氣。同爲發生之氣。素問云。履端于始。序則不愆。荷葉生于水土之下。挺然獨立。其色青。其形仰。其中空。象震卦之體。食藥感此氣之化。胃氣何由不升。更以燒飯和藥。與白朮協力補脾。不致內傷。其利廣美。

芡實

二百五十六

甘平。入足太陰。少陰。經。益腎固精。而遺濁

芡實美豆布  
岐康賴曰美津  
不武歧

有賴。補中養氣。而泄瀉無虞。按芡實。止瀉固精。獨于脾腎得力。則先後天之根本咸賴焉。吳子野云。人之食芡。必枚嚼而細嚼之。使華液流通。轉相灌溉。其功過于乳石也。同蓮。莖鬚蓮子肉。茯苓。茯神等爲末。用金櫻子。搗汁熬膏。入藥丸。名金鎖玉關丸。治精氣虛滑。同秋石。茯苓。蓮肉等爲末。蒸棗和丸。鹽湯下。名四精丸。治思慮傷心。色慾過度。小兒不宜多食。以其難化也。

本草匯卷十四 終

本草匯

卷十四 果部

芡實

三


每七頁

20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51









国立国会図書館 タイトル『本草匯卷1-8, 11-18』 請求記号 特7-493

ガラス使用